

Broj 3. - Srijeda, 24. februara 1999.

(„Službene novine Kantona Sarajevo“, broj 3/99 Prečišćeni tekst)

Na osnovu člana 37. stav 4. alineja 3. i člana 152. stav 1. Poslovnika Skupštine Kantona Sarajevo („Službene novine Kantona Sarajevo“, br. 7/96, 10/96, 4/97 i 6/97), Zakonodavno-pravna komisija Skupštine Kantona Sarajevo na sjednici održanoj 22. februara 1999. godine, utvrdila je prečišćen tekst Odluke o osnivanju Javne ustanove „MES - Međunarodni teatarski i filmski festival Sarajevo“.

Prečišćeni tekst Odluke o osnivanju Javne ustanove MES - „Međunarodni teatarski i filmski festival, Sarajevo“ obuhvata:

1. Odluku o osnivanju Javne ustanove „MES“ - Međunarodni teatarski i filmski festival Sarajevo („Službene novine grada Sarajeva“, broj 7/93);
2. Odluku o preuzimanju i izmjenama i dopunama Odluke o osnivanju Javne ustanove MES - Međunarodni teatarski i filmski festival Sarajevo („Službene novine Kantona Sarajevo“, broj 14/97);
3. Odluku o dopunama Odluke o preuzimanju i izmjenama i dopunama Odluke o osnivanju Javne ustanove „MES - Međunarodni teatarski i filmski festival Sarajevo“ („Službene novine Kantona Sarajevo“, broj 11/98);

u kojima je označen dan stupanja na snagu tih odluka.

Broj 01-05-12-10/99
22. februara 1999. godine
Sarajevo

Predsjednik
Zakonodavno-pravne komisije
Avdo Čampara, s. r.

ODLUKA**O OSNIVANJU JAVNE USTANOVE „MES - MEĐUNARODNI TEATARSKI I FILMSKI FESTIVAL SARAJEVO“****(PREČIŠĆEN TEKST)**

Član 1.

Za obavljanje kulturnih i umjetničkih djelatnosti na teritoriji grada Sarajeva (u daljem tekstu: Grad) osniva se Javna ustanova MES - Međunarodni teatarski i filmski festival Sarajevo.

Član 2.

Kanton Sarajevo preuzima prava osnivača Javne ustanove „MES - Međunarodni teatarski i filmski festival Sarajevo“, koja nastavlja sa radom kao kantonalna javna ustanova u državnoj svojini (u daljem tekstu: MES).

Sjedište MES-a je u Sarajevu, Ulica Maršala Tita 54.

Član 3.

MES ima svojstvo pravnog lica.

Član 4.

Djelatnost MES-a je prezentacija i produkcija djela iz oblasti teatra, filma, književnosti, muzike i organizacije drugih kulturnih manifestacija i to:

- 92.1. Filmska i video djelatnost,
- 92.2. Snimanje filmova i video filmova.

Ovaj razred obuhvata:

- snimanje igranih i dokumentarnih filmova, na filmskoj traci za direktno prikazivanje u kinu ili na televiziji.
- snimanje u filmskom studiju ili u specijalnom studiju za animirane ili crtane filmove, dugometražnih, dokumentarnih, kratkometražnih filmova, itd., za javno prikazivanje, za propagandu, za vježbu (praksu).
- pomoćne djelatnosti, kao što je sinhronizovanje zvuka.

- 92.12. Distribucija filmova i video filmova.

Ovaj razred obuhvata:

- distribuciju filmova i video filmova drugim djelatnostima osim široj publici.

Obuhvaćena je prodaja ili iznajmljivanje filmova i video-filmova drugim djelatnostima, kao i djelatnosti koje su povezane sa distribucijom filmova i video- filmova kao npr. rezervisanje, dostava, čuvanje filmova itd.,

- kupovinu i prodaju prava na distribuciju filmova i video-filmova.

92.31. Umjetničko i književno stvaralaštvo i scensko izvođenje (reproduktivna umjetnost).

Ovaj razred obuhvata:

- scensko izvođenje uživo koncerata, opera, baleta, folkloru i drugih repertoara,
- djelatnost grupa, društava, orkestara ili sastava,
- djelatnost slobodnih umjetnika, kao što su glumci, režiseri, crtači crtanog filma (ili karikaturisti), graveri, bakroresci, dizajneri scenskih kulisa, aranžeri,...
- restauriranje umjetničkih dijela kao što su slike,...

92.32. Djelatnost objekata za kulturne priredbe.

Ovaj razred obuhvata:

- djelatnost koncertnih ili pozorišnih dvorana i drugih umjetničkih objekata,
- rad agencija za prodaju ulaznica,
- rad studija za snimanje zvuka.

92.34. Ostale zabavne djelatnosti, na drugom mjestu nepomenute.

Pružanje usluga u vanjskotrgovinskom prometu iz oblasti registrovane djelatnosti.

MES ima međunarodni karakter.

Član 5.

MES ne može promijeniti djelatnost iz člana 4. ove odluke bez saglasnosti osnivača.

Član 6.

Osnivački ulog MES-a sastoji se od 10.000 BH dinara.

Član 7.

MES ima pravo da u pravnom prometu zaključuje ugovore i vrši druge poslove i radnje u okviru svoje pravne sposobnosti i registrovane djelatnosti.

Član 8.

Danom stupanja na snagu ove odluke, MES preuzima objekte i opremu, prava i obaveze bivše gradske Javne ustanove MES - Međunarodni teatarski i filmski festival Sarajevo.

Objekti i oprema iz stava 1. ovog člana imovina su Kantona Sarajevo.

Član 9.

Izvori sredstava za rad MES-a su:

- sredstva osnivača,
- iz naknada za obavljanje intelektualnih i drugih usluga,
- iz legata, poklona, zavještanja i iz drugih izvora.

Član 10.

Vlada Kantona daje saglasnost na pravila, planove rada i razvoja i godišnji program rada MES-a.

Član 11.

Pitanja prava i obaveza između osnivača i MES-a koja nisu regulisana ovom odlukom, utvrdiće se ugovorom.

Član 12.

Organ upravljanja u MES-u je Upravni odbor od pet članova.

Dva člana Upravnog odbora imenuju se po pravilu, iz reda stručnih radnika zaposlenih u MES-u.

Predsjednika i članove Upravnog odbora imenuje i razrješava Vlada Kantona.

Član 13.

Organ rukovođenja u MES-u je direktor.

Direktora MES-a imenuje Upravni odbor na osnovu konkursa koji se objavljuje u javnim glasilima, uz saglasnost Vlade Kantona.

Direktor ne može biti član Upravnog odbora.

Direktor MES-a ovlašten je da predstavlja i zastupa Javnu ustanovu i zaključuje ugovore u vanjskotrgovinskom prometu u okviru registrovanje djelatnosti ustanove.

Član 14.

Organ kontrole poslovanja u MES-u je Nadzorni odbor od tri člana.

Predsjednika i članove Nadzornog odbora imenuje i razrješava Vlada Kantona.

Najmanje jedan član Nadzornog odbora imenuje se iz reda stručnih radnika zaposlenih u MES-u.

Član 15.

Radnici MES-a ostvaruju svoja prava u skladu sa zakonom, pravilima i kolektivnim ugovorom.

Član 16.

Upravni odbor MES-a uskladiće pravila, akt o unutrašnjoj organizaciji MES-a i druga akta u roku od 60 dana od dana stupanja na snagu ove odluke.

Član 17.

Javna ustanova "MES - Međunarodni teatarski i filmski festival Sarajevo", obavezna je da u roku od mjesec dana od dana stupanja na snagu ove odluke podnese prijavu radi upisa ovih promjena u sudski registar koji se vodi kod Kantonalnog suda u Sarajevu.

Član 18.

MES, višak prihoda nad rashodima koristi za obavljanje i razvoj djelatnosti.

Član 19.

Nadzor nad zakonitosti rada MES-a vrši Ministarstvo kulture i sporta.

Član 20.

Za svoje obaveze MES odgovara svom svojom imovinom-potpuna odgovornost.

Osnivač MES-a je supsidijarno odgovoran za obaveze MES-a.

Na osnovu člana 12. stav 1. tačka c. i člana 18. stav 1. tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 6. Zakona o ustanovama ("Službeni list RBiH", broj 6/92, 8/93 i 13/94) i člana 6. Zakona o pozorišnoj djelatnosti ("Službene novine Kantona Sarajevo", broj 14/00 i 25/06), Skupština Kantona Sarajevo, na sjednici održanoj 26. septembra 2007. godine, donijela je

ODLUKU

O IZMJENAMA I DOPUNAMA ODLUKE O OSNIVANJU JAVNE USTANOVE "MES - MEĐUNARODNI TEATARSKI I FILMSKI FESTIVAL SARAJEVO"

Član 1.

U članu 2. Odluke o osnivanju Javne ustanove "MES - Međunarodni teatarski i filmski festival Sarajevo" ("Službene novine Kantona Sarajevo", broj 3/99 - Prečišćeni tekst), iza stava 2. dodaju se novi st. 3. i 4. koji glase:

"Naziv i sjedište MES-a iz st. 1. i 2. ovog člana može se promijeniti."

"Odluku o promjeni naziva i sjedišta MES-a donosi Skupština Kantona Sarajevo (u daljnjem tekstu: Skupština) na prijedlog Vlade Kantona".

Član 2.

U članu 5. dodaju se novi st. 1. i 2. koji glase:

"Djelatnost MES-a iz člana 4. ove Odluke može se proširiti ili promijeniti."

"Odluku o proširenju ili promjeni djelatnosti donosi Skupština na prijedlog Vlade Kantona".

Dosadašnji stav 1. postaje stav 3.

Član 3.

U članu 10. iza riječi "pravila" dodaju se riječi: "pravilnik o unutrašnjoj organizaciji i sistematizaciji", a ostali dio teksta ostaje nepromijenjen.

Član 4.

Iza člana 14. dodaje se novi član 14a. koji glasi:

"Član 14.a.

Vlada Kantona će razriješiti predsjednika i člana Upravnog odbora, direktora i predsjednika i člana Nadzornog odbora i prije isteka mandata na koji su imenovani u sljedećim slučajevima:

- ako utvrdi da je odgovoran za neuspješan ili nezakonit rad MES-a,
- ako je MES poslovao sa gubitkom dvije (2) godine uzastopno,
- na njegov lični zahtjev,
- ako Skupština ne usvoji godišnji izvještaj o radu i finansijskom poslovanju MES-a,
- u drugim slučajevima utvrđenim zakonom i pravilima ustanove.

Procedura usvajanja izvještaja o radu i finansijskom poslovanju ustanove, posljedice mogućeg neusvajanja navedenih akata, kao i postupak i način razrješenja predsjednika i članova Upravnog i Nadzornog odbora i direktora, precizirat će se Pravilima MES-a."

Član 5.

U čl. 16. i 17. riječ "ove" briše se, a riječ "odluke" zamjenjuje se riječima: "Odluke o izmjenama i dopunama Odluke o osnivanju Javne ustanove, „MES - Međunarodni teatarski i filmski festival Sarajevo”.

Član 6.

Član 18. briše se.

Član 7.

Iza člana 19. dodaje se novi član 19a. koji glasi:

"Član 19a.

Upravni, odnosno Nadzorni odbor obavezan je da Ministarstvu kulture i sporta Kantona Sarajevo redovno dostavlja zapisnike sa održanih sjednica Upravnog, odnosno Nadzornog odbora, a izvještaj o radu godišnje.

Godišnji izvještaj o radu sadrži: izvještaj o izvršenju godišnjeg programa rada, izvještaj o finansijskom poslovanju, izvještaj o radu Upravnog odbora i izvještaj o radu Nadzornog odbora."

Član 8.

Upravni odbor MES-a dužan je da u roku od 30 dana od dana stupanja na snagu ove Odluke uskladi Pravila i Pravilnik o radu, unutrašnjoj organizaciji i sistematizaciji radnih mjesta i druge opće akte sa odredbama ove Odluke.

Član 9.

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Odluke o osnivanju Javne ustanove "MES - Međunarodni teatarski i filmski festival Sarajevo".

Član 10.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-24519/07
26. septembra 2007. godine
Sarajevo

Predsjedavajući
Skupštine Kantona Sarajevo
dr. **Denis Zvizdić**, s. r.

Na osnovu člana 12. stav 1. tačka c) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), čl. 3. i 6. Zakona o ustanovama ("Službeni list RBiH", br. 6/92, 8/93 i 13/94) i čl. 6. i 15. Zakona o pozorišnoj djelatnosti ("Službene novine Kantona Sarajevo", br. 14/00 i 25/06), Skupština Kantona Sarajevo, na sjednici održanoj dana 27.12.2012. godine, donijela je

ODLUKU

O IZMJENAMA ODLUKE O OSNIVANJU JAVNE USTANOVE "MES - MEĐUNARODNI TEATARSKI I FILMSKI FESTIVAL SARAJEVO"

Član 1.

Član 4. Odluke o osnivanju Javne ustanove "MES - Međunarodni teatarski i filmski festival Sarajevo", ("Službene novine Kantona Sarajevo", br. 3/99 - Prečišćeni tekst i 31/07), mijenja se i glasi:

"Član 4.

Djelatnost MES-a je prezentacija i produkcija djela iz oblasti teataru, filma, književnosti, muzike i organizacije drugih kulturnih manifestacija i to:

- 59.11 Proizvodnja filmova, video filmova i televizijskog programa
- 59.12 Djelatnosti koje slijede nakon proizvodnje filmova, video filmova i televizijskog programa
- 59.13 Distribucija filmova, video filmova i televizijskog programa
- 59.14 Djelatnosti prikazivanja filmova
- 90.01 Izvođačka umjetnost
- 90.02 Pomoćne djelatnosti u izvođačkoj umjetnosti
- 90.04 Rad umjetničkih objekata."

Član 2.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-31434/12
27. decembra 2012. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.



SLUŽBENE NOVINE

KANTONA SARAJEVO

Godina XIX – Broj 28

Četvrtak, 17. juli 2014. godine
SARAJEVO

ISSN 1512-7052

KANTON SARAJEVO

Skupština Kantona

Na osnovu člana 12. stav 1. tačka c) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), čl. 3. i 6. Zakona o ustanovama ("Službeni list RBiH", br. 6/92, 8/93 i 13/94) i čl. 6. i 15. Zakona o pozorišnoj djelatnosti ("Službene novine Kantona Sarajevo", broj 42/13 - Prečišćeni tekst), Skupština Kantona Sarajevo, na sjednici održanoj dana 08.07.2014. godine, donijela je

ODLUKU

O IZMJENAMA ODLUKE O OSNIVANJU JAVNE USTANOVE "MES - MEĐUNARODNI TEATARSKI I FILMSKI FESTIVAL SARAJEVO"

Član 1.

U nazivu Odluke o osnivanju Javne ustanove "MES - Međunarodni teatarski i filmski festival Sarajevo", ("Službene novine Kantona Sarajevo", br. 3/99 - Prečišćeni tekst i br. 31/07 i

1/13) i u čl. 1., 2., 8., 16. i 17. Odluke, riječi: "MES - Međunarodni teatarski i filmski festival Sarajevo", zamjenjuju se riječima: "MES - Međunarodni teatarski festival - Scena MESS".

Član 2.

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Odluke o osnivanju Javne ustanove "MES - Međunarodni teatarski festival - Scena MESS".

Ovlašćuje se Zakonodavno-pravna komisija, da pri izradi prečišćenog teksta Odluke o osnivanju Javne ustanove "MES - Međunarodni teatarski festival - Scena MESS", alineje označene crticom u osnovnom tekstu ove Odluke, zamijeni slovima navedenim abecednim redom, stavove označi odgovarajućom brojevanom oznakom u zagradi, te da svakom članu da odgovarajući kratki podnaslov u skladu sa odredbama Jedinstvenih pravila za izradu pravnih propisa u institucijama Bosne i Hercegovine.

Član 3.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-20844/14
08. jula 2014. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.